


CBMC CU PLAKAAT NA GOBERNADOR TROMP



ORANJESTAD [AAN] Den e dining room di Talk Of The Town, diasabra ultimo CBMC cu ta un comité "non-denominational" a ofrece un desayuno na honor di nos Gobernador Sr.Felipe B. Tromp y su distinguida Señora Candita, debidamente acompaña pa Adjudant O.A.Quandt.

E distinguida pareja a wordu oficialmente ricibi door di Mr.Johnnie van der Kuyp, kende a escolta Gobernador y Sra. pa e mesa principal, na unda presidente di CBMC, sr.Bienvenido Richardson ta habri cu un oracion, sigui pa un desayuno bon prepará y bon

presentá.

Den un forma profesional Ing.Joe Aleyne a fungi como maestro di ceremonia, y Severiano Feliciano a lesa palabra di Bijbel, sigui pa un caluroso bonbini duná pa Jorge Guastavino, kende a introduci tur esnan presente.

Informacion tocante CBMC tabata na encargo di Jacobo Geerman, cu a duna di conoce cu e.o. CBMC ta nifica Christian Business Men Committee y cu a ser fundá na Maart 1969 y ta afilia na CBMC International di Estados Unidos di America.

Sr.Charles Polak a presenta e plakaat den forma elo-cuente na S.E.Gobernador Sr.Felipe Tromp, como

muestra di aprecio pa e gran labor despliega durante e prome seis añanan di Status Aparte di nos dushi Aruba.

S.E.Gobernador Tromp a elogia e gesto haci na su persona y su esposa. Despues a sigui cu un bunita bouquet cu sra.Edna Kuiperi a entrega sra.Candita Tromp den nomber di CBMC.

Sr,Melrose Chase a expresa gradicimiento y ta menciona e.o. cu den tur e añanan di existencia di CBMC Aruba, Sr.Ike Cohen, doño director di Best Western, Surfside, Manchebo Beach Hotel y Calloway Corporation semper a duna excelente cooperacion y servicio na CBMC.